



Publicaziuns officialas dils 29-09-2017

Damonda da baghegiar

Nr. 90/2017

Datum da publicaziun: 29-09-2017
Patrun: Maissen Gieri e Linus, 7172 Rabius
Representant: Tarcisi Maissen SA, 7166 Trun
Liug e parcella: Sutvitg; 257
Object: construcziun d'ina suoschna per autos

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 29-09-2017

cumissiun da baghegiar

Curdem da gronda dimensiun

La vischnaunca organisescha ina rimnada da rufid bloccont sco suonda:

Venderdis, ils 20 d'october 2017 dallas 08.00 - 18.00 uras

Ei vegn rimnau il rufid per l'entira vischnaunca sin la piazza Igniu (spel baghetg economic)

Ils curdems ein da deponer els containers ni navettas tschentai sil plaz. Per tenercasa vegn priu encunter **max. 2 m³** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regionala a Rueun. Rumians jamnils, q.v.d. rumians ch'ins dismetta el sac verd e rufid bloccont pign (dimensiuns max. 100 cm liung / 60 cm lad / 60 cm ault / peisa max. 30 kg) vegnan buca pri encunter. Tals rumians ein da plazzar als plaz da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds mo cun tratg giu ieli e benzin,
- ferramenta, ferradira da tuttas sorts (meisas da fier, uaffens da fier, velos, bogneras da fier, crutschs da neiv e.a.v.),
- tut las maschinas electronicas (computers, frestgeras, maschinas da furar, pegnas d'electricch cun e senza ieli e.a.v.),
- mobiliar movibel (letg, scaffa, suppia, madrazza, teppi denton buca culau giu, e.a.v.),
- requisits per il temps liber e sport (skis, indrez da trenament, velos e.a.v.) ch'ei pli gronds che 100 cm liung / 60 cm lad / 60 cm ault ni pli grevs che 30 kg,
- per pneus senza gavegl vegn incassau ina taxa da frs. 5.--, cun gavegl frs. 10.--,
- per pneus da maschinas agricolas pintgas vegn incassau ina taxa da frs. 20.-- e per pneus da tracturs frs. 50.--,
- calzars da skis san vegnir dai giu en favur dalla ARGO Tavau per frs. 5.--.

Buca acceptau vegnan

- tuttas maschinas agricolas,
- lenna da brisch, lenna veglia, lenna da baghetg (tabliaus, plantschius, lattas, quaders, panos, e.a.v.),
- sacs da pupi e da plastic,
- materials da pachetar (palets, styropor, plastic, e.a.v.),
- requisits per il temps liber e sport ch'ei pli pigns che 100 cm liung / 60 cm lad / 60 cm ault e pli levs che 30 kg (bob, scarsola, calzars da rodas, aissa-rulletta e.a.v.),
- blachas da ballas da silo (verdas ed alvas),
- curdems da baghetg (linoleums, isolaziuns, plastics, folias da tetg e da preits, e.a.v.) e curdems da fatschentas,
- curdem verd da curtin e caglias, tals curdems san vegnir transportai sin la deponia verda ad Igniu,
- cartun e pupi duei vegnir surdau alla rimnada entras la scolas resp. las uniuns.

Ils suandonts rumians vegnan rimnai cun ils rumians jamnils e basegnan las marcas sco suonda:

- sacs tochen 50 kg; 1 marca da frs. 2.50,
- rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50,
- rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directives en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismissa da rumians e vegnan annunziadas als organs responsabels e puni.

Per ulteriuras informaziuns stat il gerau responsabel bugen a Vossa disposiziun.

Sumvitg, 29-09-2017

departament d'ambient

Informaziun conernent la via da Laus

Naven da venderdis, ils **29 da settember 2017** allas 17.00 uras ei la via da Laus puspei aviarta. Consequentamein eis ei scumandau da carrar naven dil datum numnau sin la via da Puzzastg.

Nus engraziein per Vossa pazienza duront il temps da baghegiar. Ulteriuras informaziuns survegnis Vus directamein dil biro Deplazes a Surrein (tel. 081 943 25 60).

Sumvitg, 29-09-2017

departament traffic

Uniun samaritana Sumvitg-Trun

Nies proxim exercezi tecnic ha liug mardis, ils **3 d'october 2017** allas 20.00 a Trun. Interessentas ed interessents astgan bugen prender envesta da nossa lavur. Cordials salids ed a bien seveser

la suprastonza

Cuminonza Pro S. Benedetg, Clavadi e contuorn

Invitaziun alla 13. radunonza generala ils **7 d'october 2017** allas 20.00 en l'ustria «Miraval»,
S. Benedetg Tractandas

1. beneventaziun/appel
2. elecziun dils dumbravuschs
3. protocol ed approbaziun
4. rapport annual dil president
5. rapport dils cuitgs
6. rapport dalla cassa, dils revisurs/approbaziun
7. budget 2017–2018
8. elecziuns dalla supratonza/revisurs
9. program da lavur 2018
10. propostas da commembras e commembers
11. varia

Plaid final dil president, star si legher ensemen tier revista da dias. Sin stedia participaziun
selegra

la supratonza